

**UPRAVI DRUŠTVA**

Broj: U.D.01.04.-13783/22  
Sarajevo, 07.09.2022.godine

Na osnovu člana 45. Statuta, člana 69. stav (2) pod e) i člana 70. Zakona o javnim nabavkama BiH ("Službeni glasnik BiH" broj: 39/14), člana 14. stav (2) Pravilnika o javnim nabavkama i preporuke Komisije za provođenje postupka nabavke i isporuku robe: peleta za potrebe zagrijavanja pošta u CP Tuzla za grijnu sezonu 2022/23, broj: 10.3-11-9-8302-14/22 od 31.08.2022. godine, Uprava Društva, na 161.elektronskoj sjednici održanoj 07.09.2022.godine d o n o s i :

**ODLUKU  
O PONIŠTENJU POSTUPKA NABAVKE****I**

Postupak za nabavku i isporuku robe: peleta za potrebe zagrijavanja pošta u CP Tuzla za grijnu sezonu 2022/23, pokrenut putem Otvorenog postupka za dostavu ponuda, po obavještenju objavljenom na Portalu javnih nabavki broj: 24901-1-1-40-3-20/22 dana 29.07.2022. godine, se poništava jer su cijene obje dostavljene/prihvatljive ponude znatno veće od osiguranih sredstava za predmetnu nabavku.

**OBRAZLOŽENJE**

Povodom postupka javne nabavke i isporuke robe: peleta za potrebe zagrijavanja pošta u CP Tuzla za grijnu sezonu 2022/23, objavljeno je Obavještenje o nabavci broj: 24901-1-1-40-3-20/22 na Portalu javnih nabavki, dana 29.07.2022. godine sa objavom tenderske dokumentacije na Portalu e-Nabavke.

Na Protokol Društva do roka određenog za prijem ponuda (26.08.2022.godine do 10:00h), pristigle su ponude slijedećih ponuđača:


1. LUMBERJACK d.o.o. Sarajevo
2. EURO STIL d.o.o. Dobož

Komisija je pristupila analizi i utvrđivanju validnosti prispjelih ponuda, te konstatovala sljedeće:

1. Ponuda ponuđača LUMBERJACK d.o.o. Sarajevo , sa ukupnom vrijednošću ponude bez uračunatog PDV-a u iznosu od 85.600,00 KM, ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički prihvatljiva.

2. Ponuda ponuđača EURO STIL d.o.o. Dobož, sa ukupnom vrijednošću ponude bez uračunatog PDV-a u iznosu od 80.250,00 KM, ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički prihvatljiva.

Poštujući tačku 9.1 tenderske dokumentacije kojom je predviđeno održavanja E-aukcije a sve u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 66/16), Komisija je zakazala e-aukciju na portalu Javnih nabavki ([www.ejn.gov.ba](http://www.ejn.gov.ba)) dana 29.08.2022.godine sa početkom u 13:30 sati i predviđenim početnim trajanjem E-aukcije od 15 minuta.



Nakon okončane e-aukcije koja je trajala 15 minuta (Izveštaj o toku i završetku E-aukcije u prilogu) a shodno utvrđenom kriteriju „najniža cijena“, Komisija konstatuje da je:

- cijena početne ponude ponuđača LUMBERJACK d.o.o. Sarajevo iznosi 85.600,00 KM bez PDV-a - (ponuđač nije ponudio nižu cijenu na e-aukciji)
- cijena početne ponude ponuđača EURO STIL d.o.o. Doboj iznosi 80.250,00KM iznosi bez PDV-a - (ponuđač nije ponudio nižu cijenu na e-aukciji)

Nakon svega gore navedenog te provedene E-aukcije, utvrđena je konačna rang-lista ponuđača bez PDV-a, kako slijedi:

1. EURO STIL d.o.o. Doboj ..... sa konačnom cijenom 80.250,00 KM
2. LUMBERJACK d.o.o. Sarajevo..... sa konačnom cijenom 85.600,00 KM

Komisija je konstatovala da su ponuđene cijene ponuđača znatno veće (cca 30%) od osiguranih sredstava za predmetnu nabavku.

Obzirom da su za nabavku i isporuku robe: peleta za potrebe zagrijavanja pošta u CP Tuzla za grijnu sezonu 2022/23 cijene obje dostavljene/prihvatljive ponude znatno veće od osiguranih sredstava za predmetnu nabavku, data je preporuku ugovornom organu da se predmetni postupak nabavke poništi u skladu sa članom 69. tačka (2) pod e) Zakona o javnim nabavkama, te prijedlog za ponovni postupak u sastavu iste komisije, radi provođenja daljnjih aktivnosti na realizaciji postupka nabavke u skladu sa odredbama Zakona i općih akata Društva.

Cijeneći navedeno, donesena je Odluka kao u dispozitivu.

#### PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 dana po prijemu odluke o izboru shodno članu 99. i članu 101. Zakona o javnim nabavkama.

Dostaviti:

- Centar pošta Tuzla (Nosilac posla)
- Sektoru za EKF
- Marketingu (za objavu)
- Odjeljenje za J.N.

  
**GENERALNI DIREKTOR**  
mr. sci. Mirsad Mujić

